



九思堂詩稿卷二

親王銜多羅醇郡王著

題 譜經先生小清涼界圖

澄園小築啓清涼退直歸來幾夕陽藤架壓
檐晴晝永荷花遶屋晚風香圖仍十友文星

聚杜文正公有澄懷十友圖今入直簪盍

三天化日長舊夢當年憑記取分明家住白

鷗鄉

秋雨 二絕句

雲影幕樓頭情懷不自由雨聲兼落葉都是
為深秋

其二

蘆花秋瑟瑟江岸咽寒更一夜蕭蕭雨孤舟
客盡驚

八月十九日

命至五福五代堂較射後

恩賜玉搬指並

命題賦詩恭紀

共荷

傳宣入

御園

天顏咫尺被春溫

宸章偶采南宮樂

收三傑上以唐元宗詩赤帝

樂聚南宮宴向考課猶煩

北極尊

是日課本

覽臣等

技愧雕弧原幸中

寵頒玉玦更推

恩願將五福徵

皇社

渥澤滋培萬物元

秋雨感懷

三日連陰未放晴
梧桐院落寄遐情
郵亭迢遞人千里
紙帳蕭疏漏幾更
天外雁飛回故國
階前蛩語換秋聲
挑燈更讀歐陽賦
棖觸難教魄礪平

賦得明月前身

得身字五言八韻

今古團圓月清光絕
點塵分明觀此夕
恍惚

憶前身對鏡心相印
呼盤意最親
澄懷通宿夢
秋水鍊全神
脩定梅花到
攀應桂樹頻
照人名可認
寫我影偏真
玉魄留圓相
珠胎證淨因
品詩推表聖
華屋句同珍

秋夜望月

颯颯金風報早秋
枕書眠勝少文游
漫云月府尋難到
待把重簾上玉鈎

秋鴈

雁陣偏宜薄暮征
數行遙見碧空橫
瀟湘寫

出欵斜字關塞傳來遠近聲
旅館霜天驚客夢孤舟月夜起
鄉情置身終在雲霄上肯向
江湖寄此生

秋燕

王謝堂前夢已殘舊巢愁聽雨聲酸
江南地暖思歸急塞北風高久住難
檣上留人情切切梁間送汝路漫漫
杏林好訂明年約待捲珠簾認羽翰

秋蛩

砌角牆腰秋意生幾番唧唧乍聞聲
遙吟似怯飛霜冷靜聽偏宜趁月明
桐葉階前催夜織豆花棚底話春耕
靜參物候環周理消盡炎涼意不平

秋蝶

曾將綵筆染燕支幾度滕王畫稿披
瘦影忽來芳草徑游蹤還憶好花時
夢回庭院西風冷粉曬闌干夕照遲
待看滿園桃李盛飛飛又上最高枝

秋柳

疏黃老翠岸西東瘦影蕭蕭細雨中眠起有情承玉露婆娑無力舞金風樓臺罨畫還如舊鶯燕光陰已不同幾度攀條閒眺望暮鴉歸去夕陽紅

秋花

瘦蝶翩翻夕照斜滿園秋色望中賒亦饒紅紫供人賞能閱風霜度歲華此日幽芳開老圃當時韶景駐輕車最憐蘆荻空江上晴雪

紛紛徧水涯

賦得秋著蘆花一岸霜

得秋字五言八韻

遠岸飛霜候蘆花一片稠蕭蕭如著雪瑟瑟乍含秋落月行人迹西風古渡頭煙痕迷釣渚涼意到扁舟遙想楓林隔都疑絮點浮寒應驚宿雁夢未醒閒鷗白露曾零砌蒼葭已滿洲清江傳好句靜夜幾勾留

秋雨

千山洗淨見丹楓秋景天然奪畫工高卧蕭

齊不成睡寒窗點滴響梧桐

秋晴

晴暉皜皜上東窗畫檻憑陵見遠江隔水霞
烘蘆渚暖錯疑春雪落魚缸

秋風

一夜涼飈起寒林感客愁征鞍催古道落木
報深秋颯颯迎人爽蕭蕭與耳謀庾園詩境
闢黃葉滿牀頭

賦得看松露滴身

得看字五言八韻

松院深秋景閒身每獨看風清濤乍息露重
夜將闌涼訝珠盈袖陰移月上欄森森張蓋
密湛湛著衣單相對忘宵永尋盟到歲寒橫
琴時徙倚步屨幾盤桓恰洗塵襟淨遙憐玉
骨蟠更期霜雪後攬秀向層巒

賦得湖田稻熟雁來時

得田字五言八韻

香稻當秋熟賓鴻候不愆乘時來澤國謀食
到湖田穉稭千畦接橫斜幾字聯雷陽晴雪
日雲夢曉風天影度榆關遠聲春水碓便蟬

鳴期已後鸚啄飽爭先白宿荒洲荻紅分陸
地蓮漸達儀

聖世綏萬慶豐年

賦得影高羣木外 得高字五言八韻

仙桂超羣木婆娑顧影高花開天上好根結
月中牢拂榦銀河迴霏香玉宇遭子應和露
湛枝不受風饕華嶽千年柏崑崙五色桃凡
材歸庇蔭靈種出塵囂榆接雲間翠松喧下
界濤何當依

禁苑

化雨喜頻叨

九月十三日隨扈

聖駕閱看八旗兩翼合操應

制

玉宇秋高勁曉風貔貅萬隊肅

帷宮圖開八陣旌旗閃槍合連環霹靂雄

天語拊循逾挾纊 是日演陣畢特召前鋒
統領西拉布等

優軍聲歡豫效呼嵩狼星掃盡

皇威遠麟閣酬勲慶

武功

恭和

御製季秋萬壽山元韻

福海

宸游憶去年

清漪秋景入詩篇
峩山勢千峯抱蕩漾湖

光萬象懸幸扈

龍驂迎日曉還陪

仙舫趁風牽古來徒習昆明戰何似
皇威共懍然

題六兄朗潤園圖

地接

華林近

恩聯棣萼長逍遙開福宇朗潤煥

奎章性愜怡怡室仁安是是堂春光尋柳絮

秋意訪荷裳勝友雲三面澄心月一方桂山

閒著詠芝院靜焚香趣偶風懷託腴先道味

嘗董帷勤學問樊圃寄行藏池想羣鴻戲樓
看五鳳翔多情都萃賞積善自餘慶有興馳
蘭坂無才賦柏梁披圖游日久眉色共飛揚

隨

駕還宮作

玉陛風清劍履間欣隨

鑿輅綴仙班日華朝麗層城樹雲影晴開隔

岸山豹尾分排青瑣闥蜺旌遙映

紫宸關

皇衷茂對情何極咫尺趨陪仰

聖顏

蘇子游赤壁

東去長江日夜流竭來赤壁放扁舟銅琶鐵

板千秋調明月清風雨度游好借酒杯澆塊

壘未妨塵世寄蜉蝣孫曹遺蹟今何處賸有

詩人賦尚留

隨

駕含輝樓看精捷營技藝恭紀

鬱葱佳氣煥層城緹騎連鑣列

禁營躍馬論功爭勁捷騰猿試技喜專精霞

明赤幟更番展風動清笳取次鳴桃柳同春

齊進福八方奏凱慶

昇平

桃柳同春進福奏凱皆馬上技藝名色

賦得葉盡孤村見夜燈

得陽字五言八韻

遙見孤村外疏燈夜有光飄零飛木葉隱約

露山莊處處寒碁急星星遠火涼白連三徑

月紅墮一林霜茆屋看明滅柴扉認渺茫客

心催遠道風景換他鄉枝畔棲鴉冷籬邊吠
犬忙蘊靈逢逆旅高咏度咸陽

賦得靜對琴書百慮清

得心字五言八韻

恰喜琴書對清虛寫素心一身惟習靜百慮

豈能侵細帙編摩富絲桐趣味深丹鉛窮理

奧綠綺淨塵襟樂向三餘取聲從五弄尋寸

衷期有獲妙語得知音窗外雞談切林間鶴

夢沈揮絃

宸念愜

聖學萬方欽

題畫八首

品題曾許亞花王
醉墨酣紅雨不妨並蒂正
逢新雨後小闌干
畔吐芬芳 芍藥

灼爍枝頭二月開
穿林雙燕卻飛來
春風自有催花意
錦繡何須玉翦裁 杏林雙燕

琢玉團酥雪影浮
懸來一一水晶毬
輕拋供得東君戲
不羨楊花舞陌頭 繡毬

白傅清吟憶武關
杜鵑聲裏幾枝殷
一般名

色情偏異花喜春來鳥喜還 杜鵑

沙汀春暖吐青螺
躍躍蘆蝦出水多
蠕動亦

知靈沼樂卻同魚藻戀

恩波 荇菜螺蝦

陶家三徑殿羣芳
金盞輕盈帶露香
好與青

松存晚節年年籬
畔傲寒霜 秋菊

階前乍放淺深紅
宛轉檀心一點通
花面卻

如人面好者般豔
麗舞金風 秋海棠

一聲鳥語報花梢
香雪林中拆紫苞
詩客猶

疑春富貴誤將冷豔擬天桃 紅梅

恭和

御製花朝翫月元韻

芳菲時節偏宜月彩徹浮雲鏡遠天卻憶三

霄

蓬島境春輝秋景一般圓

題畫鷹

秋高劍翎利搏擊未曾試不是怯霜寒暫息

冲霄志

詠落葉

滿地秋零亂堪驚物候移不教黃葉掃為憶

綠枝時

白菊吟

我家籬畔菊一叢花翻玉盞舞秋風夜半灑

灑冷露潤曉看漠漠疏煙籠幽香冷豔少人

知繞籬賞玩野意濃有時攜酒對花斟始信

人澹與花同卻思桃李陽春日園中錦繡成

香國轉瞬光陰報素秋羣芳絕少傲霜力惟

有菊花徑外存就中白菊更超逸黃花著霜
看分明白花著霜霜一色有如隱士處幽僻
不將虛譽爭名實淵明老圃樂晚年白衣送
酒佳話傳我今對菊憶當日相與吟吟淺醉
重陽天

早梅

凍萼纔舒雪正寒一枝瘦影倚雕欄尋來驢
背饒詩興開向巖隈入畫看數點預知春信
早百花欲步後塵難多情最是樓頭笛五月

江城曲未闌

賦得氣候冬猶暖

得冬字五言八韻

氣候逢陽月林舒待臘容清和殊首夏暄暖
卻初冬冰覺流漸薄山猶積翠濃南瞻晴旭
麗北顧嫩寒衝葭管灰剛動梅溪萼尚封圖
疑消九九裘未挾重重計日圍鑪火先霜聽
寺鐘朔風應料峭還看後彫松

賦得望雲思雪意

得雲字五言八韻

四野濃陰合長天隱夕曛關心思密雪著意

望同雲宿靄看如畫祥雲盼正殷釀成珠錯
落布出氣氤氳霧重籠千疊年豐卜十分柳
隄應撲絮梅塢已含芬寒色添鴉點遙空斷
雁羣捷書符入蔡

宸念撫三軍

喜雪兼憶 五兄有作

四野同雲入夜鋪曉來又報瑞雲敷塵消萬
里清邊塞豐兆三時慶

帝都覓句定添飛絮詠看花待補訪梅圖遙

思易水星輶去極目銀山已滿途

雪後望月

朔風吹散白雲殘雪後偏宜對月看銀界三
千開殿閣瓊樓十二倚闌干恍如清夢游仙
府會擬乘槎到廣寒籬外梅花堪索笑良宵
應共鶴盤桓

和 肖眉先生

恩賜冰鮮恭紀元韻

賞賚年年及近臣

少思堂詩稿 卷二 七七十九
三天晚歲

貺金鱗分從

御宴調和味釣想扁舟自在身
汾水孝思今已感濠梁樂意昔
相親龍門早有青雲志莫向秋風更憶莼

咏冰路

瑞雪滿街頭寒凝水不流
馬行冰路上人在

鏡中游

奉

敕題五兄梅花畫幅

七言絕句二首

禁院陽和欲到時橫斜寫出畫中詩
暖紅飛雪香如許此是春風第一枝

一樹霞烘凍萼開五雲深處占花魁
丹心莫為風霜改應報東皇著意培

己未元旦

命在

坤甯宮偕八九兩弟遞如意恭紀
鳳紀元書日

龍顏喜覲

天玉將如意捧花共稱心傳

紫極

恩情篤

彤廷

吉語宣

太和徵保合

同樂正纏絲慶比新春集榮分

曠典偏

垂衣親

朵殿談柄列

椒筵漫擬揮軍用還看舞羽聯仰承

威咫尺

敷錫福駢闐頌禱三千歲因依二十年民康

兼物阜

帝念更乾乾

和子青先生元旦

太和殿早朝恭紀元韻

仙樂遙從

九陛聞

瑤閭佳氣藹氤氳

御鑪煙篆凝祥靄彩仗風飄映喬雲玉筍班

分鷓鷯序羽林歡動虎貔軍兩階千舞昭

文德凱奏還欣靖粵氛

正月初三日

恩賞元狐端罩恭紀

彤墀日色動鰲頭章服輝煌被

寵優披曳幸隨鴻雁序輕溫遠勝鷓鷯裘

螭坳

垂訊

恩先渥

元旦在

詢

坤甯宮遞如意時曾

貂錦

新

頒歲未周

去歲蒙

賜

鳳輦路傍欣展拜微臣長此仰

宸旒

謹題 五兄進

呈梅花畫幅底本

冰肌玉骨本無瑕
薄染胭脂韻更加
數點赭苞春爛漫
一枝紅萼影橫斜
最宜東閣烘初日
合擬西湖鬪晚霞
曾獻

丹墀邀

聖賞黃筌妙手未堪誇

二月初四日

隨扈

聖駕幸永安寺等處畢還園作

石橋迢遞接方壺
日映波光漾綠湖
環擁翠

微山色暖高凌碧
落堦形孤雲幢煥爛飄
禪

室煙樹蒼茫入畫圖

蹕路塵清回

輦處

華林佳氣滿前途

桃始華

春色濃如許
夭桃始放華
風中搖綠葉
雨後燦丹葩
豔未千株染
名從二月誇
武陵仙路杳
何處覓漁家

春寒

殘雪初消柳未黃
園林尚覺曉風涼
東君不放花如錦
應為流鶯語太忙

晚步

小院春光滿
畫城窗西幾片晚霞明
偶因草色侵裙屐
又起池塘一段情

春深即景

桃李芳菲淑景長
鴨頭新漲膩波光
鶯聲不住垂楊岸
輸與漁翁作醉鄉

賦得羯鼓催花

得催字五言八韻

唐苑逢新霽
尋芳傍玉臺
只緣花信滯
聊借鼓聲催
急雨繁音送
和風拂面來
三搥依檻外
幾樹發林隈
別院鶯歌轉
深叢蝶夢回
須臾芬馥散
次第綺羅裁
本是乘機導
渾如稱意開

御園韶景麗
仙卉滿蓬萊

賦得映雪讀書

得謀字五言八韻

閒庭飛絮罷書室興彌道未得焚膏繼權為
映雪謀澄輝疑月上餘韻想風流玉味醅經
腹瑤光滿案頭雞談窗有耀蠹飽簡頻搽朗
比燃藜夜吟同腐草秋琅函窮萬卷銀海豁
雙眸白戰猶爭勇狂歌十二樓

春興

興又尋芳愜春韶眼底融年光隨地好佳趣
與人同問柳行行綠看花步步紅餘懽猶未
盡歸咏舞雩風

春風

風信最宜春浮光都醞藉連番草色青無數
花枝亞識面故相親披襟誰議價還吹好雨
來聽徹樓頭夜

春夜

夜色清如許春庭意自閒芳樽開澉灑好鳥
息間關亭宿花千影簾窺月一彎卧游奚秉
燭雲鎖半房山

春山

山光向霽開獻笑當春戶橫翠映朝暉送青
含宿雨嚶嚶谷鳥鳴豔豔巖花吐吟興滿斜
陽鐘聲來竹圃

春圃

圃為藏春築春來興倍賒籬鋤霜後菊旗鬪
雨前茶新水連畦灌嘉蔬入饌誇豆棚瓜架
滿取次好看花

春花

花放滿園春纖穠誰畫得雕欄曲曲圍雲錦

菲菲織金谷豔繁華武陵迷翕施還吟漫興
詩秀奪江山色

春色

色色皆春景天工藻繪靈花濃千樹雨萍點
半池星紫燕頻翻翼黃鸝偶露形還看河畔
草青翠接長亭

春亭

亭子傍春城恰逢新雨後環階水作鄰列檻
山為友逸少每攄懷醉翁曾把酒勞勞送客

誰莫折垂條柳

春柳

柳色含煙嫩長隄一望平條垂春雨重絮落
晚風輕作態三眠起多情幾送迎好攜柑酒
聽樹樹有鶯聲

春聲

聲聲耳乍驚萬籟添新趣酥雨小樓春錫簫
深巷路雕梁燕語頻翠柳鶯歌度堪適舞雪
情詠歸三月暮

春暮

暮景春將晚園林萃衆芬猶酣蜂蝶意已老
燕鶯羣沂水懷曾點蘭亭憶右軍棟花風過
後濃綠樹團雲

春雲

雲從遠岫生春宇輪囷布花苑淡迷煙柳隄
紛擘絮輕陰弄晚晴盎液流甘澍曳白更英
英菅茅承曉露

春露

露氣三霄湛春庭夜正沈紅滋花盎盎綠潤
竹森森有彩凝瓏砌無聲韻玉琴不嫌衣上
溼曉起聽新禽

春禽

禽鳴忽變春萬景俱宣暢燕翦掠花叢鶯梭
拋柳浪雙柑雨後聽一曲風前唱還看逐波
鷗沈浮隨畫舫

春舫

舫繫垂楊外春游挂綠雙語留檣燕一影逐

渚鷗雙錦浪花為壁雲谿樹映窗米家書畫
好容與度滄江

春江

江色碧於油春光滿遙浦煙空浪捲花漲遠
洲迷杜鬪鴨戲晴波謳鴉鳴曉艣數峯夾岸
陰吹到瀟瀟雨

春雨

雨好知時降如珠萬點拋洗春滋草色流潤
到花梢布澤殊屯象依旬叶解爰晚來開霽

景淑氣滿青郊

春郊

郊外景芳菲更逢初日呆花迷拾翠人絲腕
垂楊道萬井曙煙新一犁春雨早踏青緩緩
歸綠徧王孫草

春草

草色當春秀園林淑景妍緒風吹軋茁膏雨
洗芊緜南浦情懷觸西堂夢思牽風光隨處
好一碧帶晴煙

春煙

煙景正芳晨霏霏籠小院輕迷遠岫嵐淡鎖
春江練柳岸曉風微杏林香霧冒斜陽一抹
橫巷口歸新燕

春燕

燕燕春前至呢喃巧弄聲于飛拋玉翦乃睇
俯雕甍紫頰迎風急烏衣掠水輕一雙簾外
影巷口喜新晴

春晴

晴光麗碧霄氣轉青陽律淑景透紗窗和風
溫綺室芳園衆綠新小徑千紅密萬象盡回
春熙熙明媚日

春日

日照江山麗春華盡啟緘暖鎔風似翦晴尉
草如衫杲杲扶桑媚遲遲繡嶺銜夕陽煙景
好桃浪試新帆

春帆

帆影挂斜陽逍遙春浪裏和風送客程細雨

浮煙泚一片峽邊來連檣江上迤何當泛洞
庭安穩隨湘水

春水

水色溶溶漾春光滿曲渚鴨頭新漲暖螺黛
曉波深桃浪翻煙渚萍蹤聚柳陰船來天上
客鼓柁日邊吟

春吟

吟情感物華即景敲新句芳草助詩懷濃花
添酒趣千端錦繡才幾曲陽春賦高唱正堪

少見學詩集 卷二 二四
娛斜暉移竹樹

春樹

樹樹添新色春光到茂林萬家醲雨足三徑
碧雲深鶯愜遷喬願人誰伐木吟班荆隨處
好綠葉漸成陰

春陰

陰陰乍暖寒春院禽聲歇香霧冒闌干濃雲
遮崢岼天容澹沱涵花事芳菲發向晚喜開
晴團圓迎素月

春月

月色溶溶夜春光倍覺妍千金宵漏永七寶
彩華鮮梨院花陰密莫階葉影圓煙痕消欲
盡泛豔滿林泉

春泉

泉韻滿春山因風清入聽泠泠漱玉琴曲曲
穿花徑苔蘚潤潺湲珠璣涵滌滢飛來樹杪
聲和我長吟興

山水畫冊為子青先生題

春光澹蕩千山曙遠近螺鬟消宿霧蒼苔白
石峯峯明紅綠交加緣巘樹樹頭隱約映招
提芳草萋萋通嶺路埴影玲瓏矗碧霄風鈴
卻語雲深處炊煙起處有人家人家結屋懸
崖住前山瀑布後山看寺裏鐘聲花外度妙
景偏宜妙手逢收拾江山歸尺素我今展卷
識匡廬瑩然滌慮餐仙露淋漓手澤尚如新
顧陸倪黃羞學步幾迴讀得畫中詩慚愧登
高未能賦

題雙磨閣墨蘭竹畫冊二首

小窗晴景泛崇光著手春生芷若香采得南
咳紉佩好怡然氣味滿萱堂
和煙掃月幾枝勻洗滌鉛華見本真寫出淇
園瀟灑景披圖手澤尚如新

隨扈

聖駕幸清漪園恭紀

恩許班聯翰墨林

昨奉
行走
仍在
旨命
在上
書房
讀書
內廷

曉隨

雲罕向高岑暖融蒲藻知魚樂韻叶笙簧聽
鳥音卉木春暉盈

上苑湖山煙景暢

宸襟

聖心自是履農事游豫彌思澤沛霖 是日至上

龍王廟拈香

賦得摘桑春陌上 得桑字五言八韻

陌上逢春暖連畦蔭碧桑柔柔條輕試翦嫩葉
摘盈筐斜影丹梯倚濃陰翠幄張祁祁從去

伴得得步微行玉袖揜高舉銀鉤度遠揚溼
和朝露採乾趁晚風涼蠶市忙三月鴛機競
七襄授衣厘

帝念

黼座仰

垂裳

賦得鶯囀皇州 得州字五言六韻

淑氣滿

皇州新鶯羽翮脩

華林欣可託幽谷自難留萬戶青春動雙柑
紫陌游融融韶景麗恰恰好音流

日下金衣暖雲中玉樹稠霓裳歌一曲鷓鴣
萃良儔

詠院中白桃花

鴉鋤帶露舊栽培素豔亭亭著意開寂寞東
風回首處畫堂重換主人來

予就邨後八弟移居此院

和張子青先生杏花詩即次元韻

漫共夭桃論後先名園又是杏花天林容烘

遍山橋日旗影搖殘野店煙開到孔壇春有
信簪從唐苑客如仙狀元雅擅尋芳興十里
紅塵駐錦鞦

以鳥鳴春

九九寒消物候新知時好鳥報青春和風花
下鶯啼巧麗日梁間燕語頻淑景芳菲情自
愜豔陽鼓盪氣相因笙歌院落憑誰聽斗酒
雙柑伴友人

三月初二日

命至同樂園聽戲

賜膳及諸珍物恭紀

禁苑承

恩已廿年更欣

鶴籞侍華筵春生瑤盞浮醲醴歡洽

彤墀發管絃珠玉

親頒增灼爍綺羅

榮錫倍明鮮敬聆

天語諄諄意夙夜遵循矢慎旃

恩命就邸恭紀

三月初八日

禁城西畔絕塵氛就邸

恩綸出五雲珠履三千來

日下羽林十二應星文是日衛等護送命

殊榮忝荷屏藩重

寵賚還同寶玉分敬仰

旃幪叨

庇蔭勉遵

訓示效精勤

三月十五月初至

賜園恭紀

蔚秀名標荷

寵深欣欣草木被春霖
安排疊石青山曲指
點芳亭碧水潯釣客情懷移桂棹
田家風景
驗秧鉞

賜居豈僅園林勝樂善惟宜勗寸心

地近前湖景最幽憑欄眺望豁吟眸
山容雨後青相送樹影風來翠欲流
百轉黃鶯當畫

檻一雙白鷺落芳洲綠楊橋畔頻延賞
遣興
還思放釣舟

夏日即事

院落深幽溽暑忘蕭齋好趁北風涼
松棚日永澄懷靜竹簟風清午夢長
魚樂吹波隨細
荇蟬吟曳響挂垂楊卻思

禁苑晴薰裏

太液淪漣菡萏香

賦得游鱗萃靈沼
得靈字五言八韻

竟作池中物翔鱗感

至靈馴游來

鳳沼羣萃別鯤溟濯濯涵

神化蜿蜿表瑞形揚波隨浩蕩聚族喜清泠

咸若歡依水之而體見星澤流常激豔珠抱

自忪惺圖負從今出雲從記昔經欣逢燒尾

宴夔讓藹

虞廷

賦得竹樓 得樓字五言六韻

翠篠滿園脩奚須大木求棲鸞千畝竹造鳳
百重樓聽雨偏宜夜招涼不待秋深堪延月
賞高與落星伴夔棟參差構雲煙旦暮收登
臨多勝概把臂七賢游

賦得飛蚊伺暗聲如雷 得聲字五言八韻

暮夜晴雷響飛蚊聚類鳴乘昏難見影伺暗
總聞聲智逞游偵巧音能鼾睡爭宵行非熠
耀晝伏息喧轟扇共流螢撲幘還夢蝶驚破
山知少力成市每兼營不雨薨薨集無風擾

少思堂詩集 卷二 二〇七
擾盈商飈何處避貫耳在沽名

夏詠四首

風

無方避暑賴薰風颯爽猶疑斗指東庭院陰
疏槐葉碧池塘香襲藕花紅吹來雲影驕陽
斂轉到涼颼細雨濛濛借問北窗高枕客也應
觸景憫農功

雲

盛代曾歌紉縵容况當夏令盼陰濃油然初

起高低嶺倏爾添成大小峯洞口空傳迷釣
艇山腰幾度訪樵蹤莫因南浦停留久霖雨
還祈起伏龍

雨

濛濛不復辨崆峒傾刻荷喧漾水缸澤物有
功殊霖霖連宵未斷響琤琮但將枕簟供茅
舍一任芭蕉鬧紙窗侵曉霞明開霽景漫天
暑氣已全降

月

乘涼最是月相宜待月中庭獨步遲
紈扇未停揮素袖冰輪乍覩印清池
掃除炎景花扶影披拂寒光樹弄枝
拋卻高眠消永夜浮瓜酌酒助新詞

詠蓮 五言六韻

雅擅尋芳趣觀蓮興倍清有香兼有色
宜雨亦宜晴濃淡新妝就東西素豔呈
鷺棲花影密魚戲浪紋輕康樂情懷愜
濂溪感慨生亭亭真獨立君子豈沽名

禁城值宿月夜即事

清都寓直不成眠

紫禁更深倍肅然霞彩乍消鴛瓦外
月輪高挂

鳳城邊蓮燈燼落人初息松院風微漏
正傳聊借新詩供寂寞一杯香茗試秋泉

賦得長伴雲衢萬里明

得分字五言八韻

萬里升明月雲衢淨暮霽寒輝常可伴
秋色已平分大地開銀界中天散綺紋
莫階陰正

九思堂詩集 卷二 二の十一
滿桂樹影超羣星斗應聯彩山河盡洗氛玉
壺懸有象碧宇浩無垠令節經年度仙音此
夜聞鵬程新得路

光被仰

仁君

賦得半江紅樹賣鱸魚

得江字五言八韻

樹樹添秋色猩紅映半江魚欣鱸入饌酒趁
蟻浮缸練淨波如翦霜寒葉乍降殘霞明野
岸夕照認漁邦驚起沙鷗兩鮮逾尺鯉雙曉

林開罨畫晚唱雜新腔雅稱金齏膾宜游赤
壁艘相思蓴味美有客挂吳篋

秋夜聞雁

露氣澄清洗俗塵寥空又見雁來賓寫成秋
興數行字傳到家書千里身霜外寒砧催葉
早風前長笛倚樓頻年年驚起瀟湘客兩岸
蘆花是故人

賦得浮萍破處見山影

得溪字五言八韻

遠山生翠黛倒影入清溪風動萍蹤破嵐浮

水面齊半池宜左右幾點隱東西泛處柔茵
仄橫來疊嶂低魚鱗遮不住螺髻認非迷
輭
厠疑穿鵠明巒若照犀櫛聲牽荇藻霞色
燦
玻璃幽院秋光好詩留子野題

秋雨

雨洗新秋暑園林颯爽天雲埋迷斷鴈葉落
咽寒蟬小徑滋花蕾空階溼蘚錢芭蕉窗外
聽滴滴響流泉

秋泉

泉聲石罅鳴林薄聽蕭瑟雲徑瀉潺潺霜崖
喧汨汨松添鶴影清苔長螺紋密琴韻入遙
峯晴光寒曉日

秋日

日光秋皎潔皜皜上紗窗露湛花猶笑霜融
葉未降寒浮鴉兩兩晴度雁雙雙無限斜陽
好丹楓照遠江

秋江

江天一色連素浪空滂渤岸樹映丹青汀蘭

爭秘辭珠浮露氣橫練淨煙光歇赤壁泛舟
來橈聲搖夜月

秋月

月色中天好秋來景倍清桐陰臨皎潔桂影
看分明夜靜幽蛩訴光寒宿鳥驚庾樓忻賞
處聽徹朗吟聲

秋聲

聲聲報素秋點筆誰堪賦高閣曉江風空山
黃葉路蛩吟豆架花鶴警枝頭露最愛夕陽

時寒礎聽入暮

秋暮

暮景寒秋肅蕭蕭葉滿庭一行來旅鴈幾點
滅流螢老菊爭殘豔幽蘭尚素馨西郊攜酒
送眺望夕陽亭

秋亭

亭空宜四時秋景尤奇特檻外草萋萋階前
蟲唧唧雲山點綴多水木清華逼涼影可人
懷一方新月色

秋色

色色逢秋好園林畫景呈碧梧涼蔭薄黃菊
晚香清螺髻遙峯聳鷗羣淨渚橫憑欄堪豁
目爽氣日初晴

秋晴

晴光分外明秋景延芳甸天淨散紅霞江澄
橫素練花容媚野溪草色暄庭院簾外夕陽
時呢喃歸紫燕

秋燕

燕燕相依久秋來別意殷黃花催客路紅樹
澹斜曛涼入烏衣夢風高雁塞羣堂前懷舊
主畫棟想停雲

秋雲

雲容澹入秋好景殊炎夏高嶂簇芙蓉寒溪
翻擺綉因風散綺羅伴月停芳榭霖雨慰蒼
生空山間曉夜

秋夜

夜景溶溶好秋高露氣侵風窗搖瘦竹月地

聽清砧河漢長天迴梧桐小院深詩成燈燼
落蛩韻續幽禽

秋禽

禽噪喜新晴蕭齋清入聽棲依翠篠林飲啄
蒼苔徑鴈度塞雲空鷓翻庭樹暝唧唧復蟲
聲助我吟詩興

秋興

興轉新秋劇蒼涼感物華清砧聲斷續冷雁
字橫斜子美詩誰和安仁賦足誇陶公偏愛

菊無酒亦看花

秋花

花事趁秋妍清芬來座右紅芙蓉發遠江黃菊
開重九玉露潤多姿金風培自厚芳菲不減
春可有垂條柳

秋柳

柳岸饒風景秋條色轉深尚餘飛絮態難慰
折枝心月影疏疏逗煙光澹澹沈一番涼雨
過留得幾蟬吟

秋吟

吟詠四時宜秋高尤放曠梧桐韻最清蟋蟀
情俱暢作賦感歐陽登樓懷庾亮忽聞水面
歌潑刺來漁舫

秋舫

舫記游春好秋江試載尋飛橈紅蓼岸訪客
白雲尋雁影和帆落漁歌伴月吟一身琴鶴
侶乘興泛湖陰

秋陰

陰凝雨意酣陡覺秋涼早雁陣度應迷花容
幽更好山雲擁竹寒江霧催楓老晚霽數峯
晴夕陽暄岸草

秋草

草又迎秋綠平蕪一色交凝煙侵竹徑帶雨
染苔坳蝶瘦無心戀鷹揚著意捎餘青猶可
踏整屨步晴郊

秋郊

郊路趁晴游秋光暄卓午新煙橘柚風宿潤

芭蕉雨山隴暮雲空亭皋寒葉舞西成慶有
年忙築霜前圃

秋圃

圃裏秋光好連畦著色鮮晚瓜垂露熟新菊
帶霜妍諸葛耽幽趣陶公樂暮年禦冬誇旨
蓄菘韭茁寒煙

秋煙

煙光冷素秋杳靄迷村市時雜雨容多卻扶
雲片起輕籠老樹黃淡鎖寒山紫向晚透斜

陽含暉搖練水

秋水

水接長天淨澄清鏡啟函落霞千片映新月
一鉤銜紅葉緣隄樹明妝倒影出櫓聲秋雁
外煙渚度輕帆

秋帆

帆影滿西風分飛江上度征程楓葉秋送客
蘆花暮牛渚月中吟瀟湘雲外路何人破曉
行掛席衝寒露

秋露

露下中庭晚秋高淨碧空桂蘭增馥郁珠玉
綴玲瓏遠岸聞孤鶴寒宵度斷鴻為霜應有
信葉葉舞金風

秋風

風光又換秋送響簾前度客起故鄉心帆飛
漁浦渡搏鵬九萬程征鴈三千路黃葉滿遙
峯蕭蕭聲在樹

秋樹

樹樹皆秋色深林已半殷幾番棲鶴警數點
暮鴉還冷雨難為潤寒風著意刪吟殘紅葉
落好看檻前山

秋山

山色望晴空層峯當牖戶珪銜月一彎羅織
雲千縷峻骨瘦嶙嶙蒼煙寒浦浦猿嘯滿夕
陽黃葉聲如雨

菊花

粉墮蓮房罷鬪霞東籬秋色正堪誇晚香恰

對重陽節冷豔還宜五柳家何惜風前憐瘦
損好從霜後見英華騷情詩興傾懷久足殿
羣芳是此花

九日宴滕王閣

高閣臨江綺席張重陽勝會集羣良閻公雅
量誠堪慕帝子遺蹤不可望萬里山川供客
座一天風月引華觴漫矜起鳳騰蛟句四傑
才名合溯王

王勃滕王閣序

千里江風送客程滕王閣上播英聲聚星喜
值重陽會落筆從教四座驚秋水文章矜絕
豔華堂賓主極歡情天才恰遇知音者腹藁
何須宿構成

菊枕

一枕秋香上畫屏金錢千箇疊瓏玲絲絲繡
出文鴛好栩栩尋來夢蝶靈伴月已空籬下
雪妬霜應傲鬢邊星黑甜鄉裏添詩興吟罷
孤芳尚帶馨

卷二
三五
捲簾秋色來

欲將秋色入簾來捲起湘紋手自擡月上玉
鉤蟾彩近雲移珠箔雁行開西風寒菊黃彌
瘦暮雨遙山翠作堆放出金鑪香縷縷梧桐
庭院好徘徊

賦得清風來故人

得來字五言六韻

秋氣清如許風光有信回一年君子別此日
故人來莫逆琴心對為歡酒面陪吹蘭同臭
味延月共徘徊花榭依依入蓬門得得開薰

弦歌

帝陛襄贊集賢才

賦得秋水長天一色

得秋字五言六韻

江水澄無際長天接素秋雙清涵上下一色
共沈浮空闊迷煙島溟濛失釣洲波光連萬
頃日影漾中流極浦明霞落遙峯宿霧收漁
歌何處唱夜月認歸舟

官軍收復武昌

幾載鴻嗷未息哀荆南八百捷音來方城虎

旅風雲合漢水鯨波霹靂摧黃霧三年埋赤
壁紅旗一夕奏金臺寰瀛自此櫬槍掃麟閣
酬勲任得材

踏雪

六字爭飛柳絮狂兜羅綿軟勝鋪霜芒鞋送
我尋梅去步步瓊瑤到玉堂

聽雪

玉戲天公尚未停好同春雨小樓聽寒雲漠
漠飛鴉寂梅月窗前醉夢醒

掃雪

飛絮園林一色迷呼僮間掃落花蹊夜來倘
有山陰客好鬪尖叉染翰題

卧雪

一夢南華報曉春閒庭盈尺任鋪銀卧游更
勝尋梅趣卻羨袁安自在身

賀雪

三白迎春尺澤融六街飛絮兆年豐侍臣衣
上先呈瑞朝罷歸來控玉驄

憶梅

窗雞談罷月升初松竹青青弄影疏安得癯
仙同入座歲寒三友伴吾廬

尋梅

為愛冰姿不染塵跨來驢背穩尋春野橋風
雪饒清興踏徧前溪一片銀

種梅

好栽籬落別成林數點幽香伴醉吟鋤月不
嫌深夜冷前身和靖是知心

折梅

破臘傳香幾樹新分明江上弄珠人檀心不
惜輕輕折莫負園林一段春

寄梅

冷香亭院正徘徊東閣詩人久未陪聊贈一
枝憑驛使好將春信報花魁

詠梅

暗香疏影入詩牌幾樹清癯繞玉階爛嚼梅
花吐芳蕊新吟句句愜幽懷

古梅

老幹清癯閱古今游人誰擬廣平吟巖隈歲
歲衝寒意恍是逋仙舊日林

月梅

數點梅花月一彎橫斜清影滿春山千林好
踏瑤光去相訪幽人獨夜間

雪梅

凌寒已坼凍雲隈報道前村昨夜開一徑霜
華滿林月不知何處是真梅

嶺梅

曾聞冬嶺秀孤松別有寒姿出遠峯占得花
魁濃睡醒山南山北破春容

畫梅

一幅雲屏玉照空水邊籬落逗春風橫斜宛
似孤山態骨瘦神清淡月中

溪梅

散步尋梅到曲溪一林香雪望中迷野橋幾
箇詩人跡可似春來李下蹊

餅梅

水邊愛看玉瓏玲
索笑歸來插膽餅
紙帳雲屏三面護
一枝春色映疏櫺

梅林

不類桃源與杏壇
瓊林偏耐朔風寒
蹇驢停處饒詩思
幾度推敲幾度看

良鄉道中口占

午出右安門
暮上蘆溝橋
桑乾水半枯
木落風蕭蕭
有時拂面來
寒氣逼金貂
老馬憚長

途旅店欣見招非無少憩心
近市喧塵囂策騎更前行
霜蹠踏荒郊惜無紅葉吟
惟見山岩堯路近良鄉城
孤塔懸晴霄古刹暫停驂
塵念為之消老僧話殷勤
清茗供寂寥向晚步長廊
相將明月邀不聞更漏聲
清磬時一敲客歲此行役
驟雨集中宵積水阻郵程
跋涉忘形勞野渡杳無人
嘉種隨波漂農夫唯怨咨
惜此青青苗今來正嚴冬
久旱日氣驕野老思種麥
望歲心何焦極備與極無
今昔

少思堂詩集 卷二 二五十九
同哀傲安得三尺雪卻勝春雨膏滿坑復滿
谷黃竹編歌謠離離積珠玉即此卜豐饒勿
勞

宵旰塵共慶玉燭調

涿州喜雪

一鞭殘月朔風侵四野濃雲轉作陰塵壓邊
沙光皎潔煙消疊嶂氣蕭森梅花千樹吟詩
興麥穗雙歧望歲心遙憶
鳳城應獻瑞豐登預兆愜

宸襟

晚行易州山中

碧天如洗斗牛橫有客星軺尚遠征石壁直
從人面起嶺雲遙逐馬蹏生紛紛殘雪凝螺
髻颯颯寒風送雁聲路遶疏林燈影迥鐘鳴
山寺正初更

賦得刻燭限詩成

得詩字五言六韻

燃卻蘭堂燭聯朋夜賦詩分陰宜共惜寸刻
好相期非比三條限偏工七步詞筆花催放

候蓮炬鬪妍時翦翠燒應短裁紅句不遲
御屏邀

契賞歸院

寵光隨

嘉平十六日

乾清宮

恩賞福字恭紀

和

六凡三疊乙卯韻

天顏咫尺邀

殊寵政暇

殷勤惜寸旬萬福攸同

恩早被

一人有慶

德無垠聯翩鷺序瞻

雲近揮灑

龍章沛

澤新聞道鴻嗷猶未息更期

仁壽徧烝民

奉

救賦得玉璞抵鵲 得崙字五言八韻

玉璞因多棄桓寬至論存化虹成琬璧抵鵲
紀崑崙韞石輝初見穿林語乍喧宛同珠錯
落忽繞樹翩翩擲地鏗清響營巢破舊痕餘
聲驚燕雀善價減瑤琨不覺藏珍貴還宜比
德溫鵷班羣彥集

聖世重璵璠

嘉平十六日

恩賞福字恭紀 和 六兄四疊乙卯韻

宸章歲歲叨

敷錫計日嘉平恰此旬

慶祝萬年占

紫極祥開五福耀朱垠

頒來玉殿仙毫潤捧出

丹墀寶墨新畱吏承

恩同拜手

廟堂宵旰念勤民

奉

命

地祇壇祈雪恭紀

聖主塵民紫詔宣祥靈在念敬祈

天三壇典重明禋肅

九陛誠孚默禱虔

德協乾施符泰運心殷兌澤溥豐年馨香更

達高高嶽

近又

齋藏香

命內務府

往泰山祈雪

神降應占

集霰先

庚申元日早朝恭紀

調陽玉律轉璣衡藩翰輸誠向

帝京萬戶華燈同鬪彩九衢爆竹競傳聲鈞

天金奏聽初徹

晨露珠聯喜載賡

是日

命南齋

上制律詩

念篤

親親

宸寵渥朱提拜

賜荷

恩榮

是日

有差臣與

持頒

恩旨

中外

升賞

元旦

太和殿筵宴并

命遞酒爵恭紀

觚稜瑞靄拂氤氲肅肅

鑿輿出五雲宴錫屏藩欣受

寵班聯鸞鶴喜同羣華燈耀彩牟尼貫寶鼎

噴香篤耨薰更幸

彤廷承玉笋瓊漿春色許先分是日進爵禮成持以

金卮酌酒賜之

正月十九日移居蔚秀園得句

朝辭

鳳闕控游縵余于是日出班又向名園取路長七日

韶光空色相憑誰傳信到垂楊

春嫩猶遲淑氣催經寒桃李未曾開始知窗

外孤松好依舊青葱待我來

二十日

奉三無私殿

賜宗親宴恭紀

彤墀侵曉肅朝班

少思堂詩集

卷二

五十三

朵殿傳宣觀

聖顏

臣於是日蒙旨召對

黼座濃恩推近侍

天廚珍饌荷分頒
簫韶樂奏鏗鏘際星月輝

聯點綴間

是日戲中呈明月景星之瑞

更飫

華林芳宴晚

是日申刻復於山高水長

賜宴歸途燈火耀

通闕

賦得看松減宦情

得松字五言八韻

日日名韁絆無因
撫碧松偶看高節聳祇覺

宦情慵本性原超
俗堅心獨耐冬相依君子

德不羨大夫封
開徑懷元亮窮途笑嗣宗鬚

髯瞻古態軒冕豁
塵胸公事吟哦足空山偃

蹇容儻移

堯棟植颺拜集夔龍

病中喜雪兼憶蔚秀園有作

瑞雪繽紛入夜寒
高眠應笑學袁安病期速

愈徵醫雜詩到求工
覓句難窗竹月明枝影

互庭梧風撼葉聲殘
相思最是林泉勝空付

園丁取次看

賦得以鳥鳴春

得春字五言八韻

珠斗轉臨寅芳菲淑景陳物欣明媚節鳥報
豔陽晨現晚流音巧間關對語頻相將鳴樂
意都是率天真大塊文章麗詩腸鼓吹新時
當鶯喚友候異雁來賓似愛天桃放如催弱

柳勻

皇州韶景滿柑酒共探春

春寒

沈沈簾幕曉寒催積雪中庭鎖綠苔醞釀愈
深春愈足好花須看十分開

賦得春風狂似虎

得狂字五言八韻

風信原從虎今偏類虎狂號林春料峭擘柳
絮披猖鈴繫花難護塵驚市共揚力能違宋
鷓勢欲舞商羊噫氣何來暴披襟未可當人
憐桃李放天息燕鶯忙谷響迴飈勁條鳴獵
葉強

聖朝苛政去鴻順喜翱翔

柳綫

二月隄邊百尺楊含煙搖曳綠絲長萬條垂
 下黃金縷一樹生來碧玉妝珠顆堪穿凝葉
 露鍼芒可引刺畦秧裁成數尺經風翦挽住
 征衣鎮日忙

聞雁

雁陣橫斜夕照殘遲歸端為怯春寒翱翔豈
 趁東風便獨向雲霄振羽翰

賦得春眠不覺曉

得眠字五言六韻

春睡由來美蕭齋喜靜便殘籌剛報曉孤榻
 尚酣眠月色移窗上晴光到枕邊蝶情吟草
 穩鳥語隔花傳風雨夢騰境簾櫳料峭天聞
 雞誰起舞好着祖生鞭

賦得捲簾看畫靜無人

得卿字七言八韻

多少煙巒粉壁呈疏簾高捲浪紋輕守花有
 鶴春俱靜看竹無人日乍晴疊去蝦鬚橫一
 桁穿來燕翦拂雙旌雅懷獨領江山趣小憩
 渾忘主客情游憶少文何必卧詩尋摩詰若

九思堂詩集 卷二 五八三
聞聲草綠玉砌分光映雲向銀鉤逐意生十
笏幽居珍處士八义仙句重飛卿石欄題罷
園林暮韶景還如藻繪成

春柳

幾處垂楊學舞腰淺黃深綠鬪春嬌依依乍
識東風面為愛輕陰立畫橋

桃花

晴窗杲杲上朝暉簾外香風送入幃忽見天
桃開爛漫始知春色到柴扉

賦得花茵

得茵字五言八韻

小苑濃花發芬芳一色勻散將千片錦聚作
五紋茵積翠渾疑毯鋪紅不染塵六朝金粉
地三月綺羅春奚待鴛鴦繡偏宜蛺蝶親苔
痕增爛漫草色鬪鮮新坐可瓊筵啟華同綺
席陳令公香永在好息踏青人

暮春二首

杏林寂寞曉煙收零落殘紅逐水流惟有黃
鶯啼不住綠陰深處替花愁

杜鵑聲裏雨濛濛
愛惜殘春眺望中
二十四番花信好
無情最是棟花風

賦得花枝缺處小舟橫

得溪字五言八韻

野渡花爭放
扁舟傍曲溪
橫來春漲暖
缺處夕陽低
罷釣歸茅屋
尋芳到繡隄
半林漁浦外
一葉畫橋西
水面看魚躍
枝頭聽鳥啼
穿條來語燕
繫棹伴浮鷺
山遠螺痕露
潮平雁齒齊
遨游詩興愜
佳句放翁題

賦得雲在意俱遲

得亭字五言八韻

雲影遲留候
輕舟傍岸停
天光涵水鏡
人意愛江亭
極目看搖曳
澄懷入窈冥
煙痕消疊嶂
霞彩隔前汀
望友思俱遠
飛鴻數屢經
支筇欣適性
出岫偶流形
畫閣頻依檻
花隄久繫舲
晚來歸棹處
幾點暮山青

賦得獨倚脩篁看鶴籠

得煙字五言八韻

馴鶴脩篁裏
千竿翠色連
隔籠含宿霧
倚袖襲寒煙
灑落君非俗
蕭閒客亦仙
吟風臨沼上
映月挂林邊
壯志干霄漢
勞形息澗泉
塵

九思堂詩集 卷二 五十七
囂聊獨避世網詎能牽策杖雲侵屨橫琴露
滴絃梧岡偕鳳翽

曼壽祝

堯年

喜雨

稼穡塵

宸慮綸音下

九天申求甘澤沛寅感

聖心虔雨度馨香薦三朝霖霖連更欣湯網

闕

德化徧敷宣

前二日有清釐
庶獄之旨

望雨

困人天氣日光驕三月羅衣消未消洗盡甲
兵知有日先將甘澤潤枯苗

賦得簫聲吹暖賣錫天

得簫字五言八
韻

寒食新錫美吹來處處簫暖回芳草地聲雜
賣花朝餅餌香俱送兒童喜共招參差吟紫
竹迢遞過紅橋味可冰盤薦芳宜杏酪調和

少思堂詩集 卷二 五
風雙管度晴日一肩挑佳節重三近春光百
五饒

聖朝甘澤普擊壤和

虞韶

賦得野客相攜上釣舟

得攜字五言八韻

共有扁舟興相逢綠柳隄釣徒身可寄野客
手同攜笠雨輕波裏帆風落照西漫游疑赤
壁此路是磻溪吟伴聯漁唱生涯語鱸膾半
船虛罨麗雙漿狎鳧鷺蓮葉操堪學桃源去

不迷東郊晴景好魯望試新題

賦得衆山遙對酒

得遙字五言六韻

浦口逢良友懽懷對酒饒開樽芳嶼共排闥
暮山遙得意看飛鷺多情為解貂送青都入
座浮白屢傾瓢眼底風光好胸中壘塊澆數
峯江上晚吟興若為招

賦得荷芰水亭開

得齊字五言六韻

十笏新亭好登臨傍水涯芰荷開客座花月
入詩懷香遠因風送涼多與雨偕塵紅飛不

到筍碧飲偏佳蓮唱遙情愜菱歌逸興諧消
炎應小住幽趣憶山齋

奉

敕題畫四首七言絕句

荷翻翠蓋柳如絲寫出奸雄快意時堪笑當
年郿隗築藏金積穀竟何為

亭臺高聳勢崔巍擲戟中庭兆釁微天意欲
教誅漢賊娉婷侍女亦戎機

瑜亮論文畫策時神機獨運杳難知滿江烟

霧蒙衝艦強弩空勞百萬師

沈沙折鐵徧江干夾岸旌旂映急湍十里東
風乘便利英雄漫復詡曹瞞

秋月

梧桐院落正清秋金鏡初開萬象幽夜半寂
寥誰作伴一輪素魄照書樓

其二

窗前涼月十分明庭樹含煙翠色橫料得桂
香三界滿空中子落寂無聲

秋雨

檐溜聲聲滴小樓
園林光景倍清幽
凭欄遙看前山色
洗淨明妝翠欲流

秋風

天宇秋高氣最清
金風颯颯草蟲鳴
庭梧落後寒砧急
滿院蕭騷萬葉聲

賦得赤壁後游

得高字五言六韻

攜客返臨臯
相從興倍豪
雪堂歸路近
赤壁插雲高
月色前番換
風光兩度遭
山遙撐瘦

骨江靜息寒濤
橫鶴都無迹
攀虬未覺勞
夢婆誰喚醒
此樂勝游濠

桂花

幾樹天香幾樹金
秋高叢桂自成林
丹心不為寒風改
玉蕊何妨冷露侵
坐上清芬時有韻
閒來仙客好相尋
小山日作留人態
可似蟾宮月裏陰

種菊

為殿羣芳品足誇
移來手種愛幽葩
秋叢遶

舍迎寒秀髮鬢當年五柳家

淵明移家

可羨淵明似葛仙移家不費買山錢
琴書賸有隨身物歸去田園樂晚年

其二

彭澤休官便自娛先生端合號潛夫
青松翠菊仍三徑邱壑天然小隱圖

登高

重陽佳節景偏饒落帽龍山韻事超
約伴峯

間最高處同酬菊酒論逍遙

賦得五柳先生

得生字五言八韻

九棘三槐外高賢別署名人原同大樹柳
竟屬先生不羨松封號偏宜竹性情依依門巷
景落落嘯歌聲腰豈逢人折懷應為酒傾柴
桑敦古處魏晉老遺氓閉戶紅塵隔圍廬綠
蔭橫薪樵襄

盛世茅茹慶連征

秋晴

雨後初晴豁遠眸清暉明媚動高秋叢林淺
 照青含潤疊嶂濃妝翠欲流幾處衣砧聞竹
 巷數聲漁笛隱蘆洲憑欄對景多新作愛此
 風光盡日留

賦得硯田 得田字

儒生居業慶康年守富惟憑硯作田玉截龍
 鱗耕有畔波橫鴈眼水通淵墨莊敢任荒蕪
 棄筆未須爭播種先一片雲腴秋萬石屢豐
 好句寫華牋

恭和

御製瓶荷元韻

如意瓶中放瑞蓮不將紅白鬪華妍亭亭玉
 立真君子

雨露長承咫尺天

賦得連朝雨送涼 得涼字

雨意連朝透濛濛遍野塘洗殘秋後暑送到
 午陰涼林潤清飈夾峯酣遠靄蒼侵晨開霽
 景池館足風光

淵明歸隱

陶令清風自古誇
田園託興早還家
結廬何必非人境
解綬端因避世譁
柳種宅邊垂碧
綫菊栽籬畔吐
黃花賦詩對酒
成佳趣勝似
朝朝趨吏衙

漁樵自作鄰

漁家江岸樂逍遙
茅屋疏籬間老樵
各自生涯偏作伴
卜成鄰里喜相招
斜陽門巷盈歸
擔細雨溪灣放釣
船無事村前閒
問答同聲

笛裏共歌謠
遺來鮮鮓沽春賞
饋到芳薪帶
葉燒卻似朱陳通
世好昏姻洽
比古風饒

水聲閒與客同尋

坐客談餘玉塵清
寒溪汨汨乍聞聲
閒來祇覺宜三笑
尋去何妨共一行
相憶伯牙琴裏
趣應參孫楚枕中
情林泉浣得澄懷
淨歸路新詩漫興成

秋興

昨夜金風報素秋
侵晨臨眺獨登樓
西來山

色兼天淨東去江聲拍岸流四境未消鋒鏑
苦

九重難釋

旰宵憂夷吾一輩今誰是寄我愁心到石頭

賦得雲雁數聲天正霜

得聲字五言六韻

玉宇霏霜夕雲天幾雁橫陰凝寥泐境風送
短長聲露渚淩淩結星郵肅肅征遠音林鶴
警寒影瓦鴛明旅夢催殘夜涼痕到短檠書
齋誰靜聽月色滿窗楹

賦得冬嶺秀孤松

得松字五言六韻

冬日千巖瘦孤單刺碧松耐寒青蔭秀獨立
白雲封鶴骨凝煙氣虬枝挂霧松生成樑棟
美奚憚雪霜濃拔地葱蘢色空山偃蹇容倘
能移

上苑絕勝老堯峯

松

鬱鬱蒼鱗百尺松雲峯高處翠陰濃陽春桃
李容雖好惟此貞心獨耐冬

梅

破臘傳香幾樹梅
玉堂移得手親栽
憐他不與天桃伴
獨向嚴寒雪裏開

其二

淺水疏籬處士家
枝頭春色已堪誇
芒鞋踏雪相尋切
只為清癯是此花

郊行即景

荒郊攬轡轉東馳
冬景蕭然愴所思
萬木已凋霜作藥
千山如睡雪添姿
寒村煙聚出茅

屋野店風高颺酒旗
幾度停鞭看不極
推敲馬上偶題詩

尋香折野梅

何處梅花放蕭疏
野色深只緣香可折
未惜遠相尋踏遍村
前雪飄來月下林
一枝誰贈得高詠
寄遐心

冰牀

嚴寒澤腹凍方堅
巧製凌牀錦纜牽
魚負影沈霜鏡白
狐聽聲寂月華鮮
玉光似碾輕車

路笏滑疑乘下水船計日遨頭春興動冰嬉
先向曉江邊

煖炕

安排小炕對金鋪斗室融融逼地鑪宿燄未
銷紅楫拙冬烘已透錦襦有時攤飯酣詩
夢竟日披書暝坐趺更待雪窗梅月上吟身
應笑聳肩無

筆牀

篷底新收翡翠竿詩筒酬唱想吟安管城一

夜催花放疑向華胥夢裏看

茶竈

殘雪偏宜石竈烹一杯清露解餘醒遙知老
鶴松林外為避寒煙舞月明

快雪時晴

連番瑞雪快人情又放冲融霽景明玉潔遙
山含宿潤花明曲沼映新晴隄邊凍柳消殘
絮村外芳梅發早英料得
上林尤皎潔祥輝五色拱

瑶京

避暑山莊綺望樓即景

雨後供吟眺層樓俯遠坳風光浮蕩漾霞彩散空冥樹拱

宸園綠山圍佛髻青松濤晴更爽間倚幾回聽

賦得誰驚一行雁 得樓字五言八韻

驚起汀洲雁排行碧落游是誰頻促陣有客獨登樓春水溶溶淶江雲澹澹浮弓疑張月

窟書待寄星郵知警同翔鶴忘機異狎鷗超然霄漢志非復稻梁謀影掠扁舟晚聲傳遠

塞秋

鳳池棲託早儀羽煥

皇猷

賦得濤喧午枕涼 得涼字

一枕黑甜鄉松聲到草堂翠濤喧入夢碧簟午猶涼攤飯眠真適鋤禾苦孰嘗譜曾吟混沌韻恰奏笙簧躍躍龍鱗活濊濊蝶翅忙健

應誇矍鑠卧亦寄徜徉圓影清槐市疏香逗
菊囊此時陶靖節高趣傲羲皇

小獵即事

雪盡沙平薄暮天朔風一轡意超然但能弧
矢隨人意不使豺狼命苟全

咏夷齊松

吾聞雄關之外多古木磊砢輪囷徧山谷又
聞絕塞僧機圖凌雲老樹超林麓同根異幹
各挺秀勁節森森如伯叔奇材曠古慶奇遇

先皇曾此習戎服

特揮宸翰錫嘉名蒼松竟許延孤竹

璇題炳耀垂不朽首陽從此留芳躅靜思至
理欣有會天生神物原不數虛名豈肯受秦
封本性由來恥周粟巖畔風濤閱古今黃農
虞夏奚爭速無端火燬空復憐山木自焚理
則然西山二老今安在浩歌落落采薇篇我
為此松深喜幸口誦

天章心盤桓始信古者夷齊賢孔子稱之名

益傳

題畫鵑

獨立巉巖暫息筋星眸鐵距勢超羣凌秋飽
颺霜天翮作氣寒生雪練紋簾外燕鶯空悚
慄山中狐兔尚紛紜鵬程倘遂圖南志奮翼
應搏萬里雲

夜坐

獨對寒燈夢未成蕭齋人寂漏三更西風颯
颯蛩聲急似向幽階訴不平

灤陽與書齋 諸公登樓成什

面面雲山宿雨收憑高一覽豁雙眸相將風
景聯新詠遙指烟巒話昨游笑我松間同鶴
鶴遲他門外駐驂騶書齋共荷
君恩重隔斷紅塵是此樓

題紅拂曉妝圖

旅店蕭條夜未闌曉妝梳罷朔風寒英雄未
遂凌雲志空對紅顏撫劍歎

詠紅馬 熱河市上買

駿骨驍騰絡勁筋雄姿一顧已空羣三冬蹄
健追風力千里毛翻汗血紋每向巖阿資蹠
躩從教麋鹿竄紛紜京華十丈紅塵輒昂首
猶嘶塞上雲

詠棗騮花馬

德統領贈

喜從千駟識殊姿摹寫精神賴畫師憶昔求
良緣去劣于今履險慎如夷宛西嘉種非徒
說冀北長途屢載馳快意猴山登絕頂此心
直共白雲期

重陽日記游

朝回匹馬寄游蹤九日登臨興轉慵盛會龍
山何處是夕陽冷照磬鍾峯

貔貅絡繹過山隈

調赴古北口防堵之黑龍江官兵

俯視如

登項羽臺插菊囊萸啣瑣屑冬青萬樹似花
開

偶成

烽火連年兆姓災中原王業未全恢錢塘賸
有三千弩不信狂瀾射不回

夜坐聽雨

驟雨傾盆夜未收
蕭齋兀坐鷲驚秋
無邊武列長河水
難洗曾襟一段愁

詠九華山癡童

南山採樵童既癡
且復啞看之三太
息前生機械者

夜雨

暑氣潛消秋氣清
雲遮星斗未分明
寒窗點滴難成夢
聽到樓頭第五更

歎雨

徹夜驚濤勢未休
茅檐甕牖又何尤
嗤他漉沆長街水
不向連甍大厦流

送友人赴任所

宦海茫茫孰問津
郵程迢遞豈無因
貔貅方整京中旅
節鉞重為閩外臣
莫羨夭桃春景豔
待看蒼柏歲寒身
離堂何事增惆悵
清夜談心有幾人

午睡

退直歸來午餉餘北窗一枕卧吾廬鳥聲驚
起邯鄲夢為問黃梁熟也無

長城

嬴秦開國雄圖展苛政暴興伊古鮮法嚴偶
語棄詩書焚燬三謨與二典侈然帶礪永山
河屹立長城中外限長城築為防胡虜萬里
連雲誰敢犯鞭箠蒼赤鑄錯成萬人膏血堅
難撼從茲胡騎罷南侵弼我不基慶繁行無
端禍竟蕭牆起庶政顛倒由宦奄朝中指鹿

事焚如東門豎子悲黃犬金人十二兵已銷
揭竿斬木紛驅遣萬世貽謀二世亡仡仡崇
墉空睇眄乃知西顧邀天眷卜世卜年惟積
善守在四夷古所聞梯航自拱屏藩遠傷哉
莫若祖龍愚不恃人和恃地險

青翦鬃馬

朝陽古洞直蝨螺鬢八十雲程半日還盡道青
驄臺諫貴何如閒客飽游山

黃翦鬃馬

九思堂詩集 卷二 二
爭驅往事溯

山莊

蹕路塵清緩組繻得意常思林麓處霜蹄逐
鹿過平崗

寶店月夜即景

郊原匹馬寄遐思又向郵程賦載馳一帶田
疇新雨過萬家烟火早秋時酒旗颺處開茆
店花徑行來到菊籬最是夜深人靜後聲聲
碓杵傍寒漪

涿州道中雨後曉行

徹夜寒濤勢不休茅廬兀坐客心愁朝來依
舊開晴景笑指征鞭話昔游

途次看雲口占

片片浮雲釀雨容山腰隱約露青松無心出
岫偏成趣添得林邊幾箇峯

涑水店中乘涼

烏雲四起晚風涼暫息征鞵溽暑忘一枕北
窗清夢穩誰云旅店是他鄉

飲苦水井二首

七月山村暑未收，清泉汲引滿茶甌。
由來水性如人事，得味須從苦裏求。

紅塵碌碌整行裝，爭汲寒泉古道傍。
此井漫云清苦甚，儘能洗滌熱人腸。

魯班廟獨坐

雨餘階砌點苔斑，古刹蕭條竟日閒。
獨坐憑何供寂寞，滿窗槐影半房山。

和易州壁上詩原韻

一路金風報早秋，雲山如畫儘消愁。
每將逸興敲詩句，偶遇同儕學旅酬。

道中遇華貝子花木自成村落景，田疇未釋

廟堂憂卻從忙裏尋，閒趣小憩槐陰酌茗甌。

題仙人洞石壁

在易州迤西南十五里

絕壁巉巖境界幽，憑高一覽豁雙眸。
是誰喚作仙人洞，擬把真詮向此求。

題仙人洞畫像觀音

古洞長留自在身，遙從易水指迷津。
白雲高

湧蓮花座觀盡炎涼世上人

將至涿州即景

山外月輪孤塵清露氣濡經商便逆旅老馬
怯長途野店隨宜宿鄉風到處殊涿州遙在
目天下此名都

道經張桓侯廟展拜成什

三分天下日叱咤破重圍未展回天力空嗟
壯志違鄉風傳古蹟廟貌赫神威瞻拜心留
戀蒼松挂晚暉

謁

陵恭紀七律一首

峻嶺千重攬轡登白雲深處謁
橋陵松楸滿眼增哀慕

殿陛遙瞻倍慄兢此日兒孫空展拜當年
色笑憶親承回鞭一路風光潤喜昨甘霖散
鬱蒸

登山夜歸即景

直上峯頭眼界寬煙雲飄渺鎖層巒崎嶇盡

說燕山峻萃律真成蜀道難清籟時聞蟲韻
切晚風遙送磬聲寒夜歸不覺苔痕滑十里
嗟峨力未殫

夜渡蘆溝橋口占

村落蕭條夜景幽一鞭涼月渡蘆溝多情最
是桑乾水不斷寒聲到曉流

述懷

豹尾班叨
雨露深近依

禁籞接詞林羽書又報邊防急奮起當年請
戰心

榆錢

榆莢散冥濛青錢箇箇同萬千輕一擲買不
住東風

可園阻雨小憩即景有感

園在萬壽寺
迤東俗稱三

貝子花
園是也

萬柄荷喧雨陣開欹斜臺榭足徘徊當年盛
事成虛矣此日清游信爽哉粉額尚留高士

詠華堂幾換主人來
可堪重話滄桑事
梓澤蘭亭一例摧

吊陣亡官兵

壯懷立誓靖妖氛
慷慨從戎志不羣
多少河邊忠骨在
莫將成敗論三軍

贈農家讀書者

閒來茅舍話桑麻
淺水疏籬處士家
羨爾逢人無世態
隔畦含笑數黃花

蔚秀園小憩感舊四首

庭院無人柿葉紅
河邊蘆荻舞西風
一腔慷慨悲秋意
付與蒼茫落照中

滿徑蓬蒿葉作堆
竭來重問劫餘灰
平泉木石尋常事
豈效區區兒女哀

猶記當年景物新
亭前花鳥趁芳春
繁華銷盡紅羊劫
卻望青松是故人

欲覓巢痕已惘然
殘山賸水劇堪憐
傷心豈為園林感
一帶蒼生盡倒懸

亭前海棠樹秋時忽開數朵

大思堂詩集 卷二 五十八
記得河邊手種時春來花發屢銜卮應憐舊
主難頻至故把猩紅染綠枝

余自庚申歲至今未見德勝門外土城
一帶作何景况偶因公一過之秋景
蕭條迥非昔比慨然有作

當年侍

輦軟塵紅三載光陰迥不同寂寞孤村依古
道蕭森殘葉動秋風新愁偶觸詩偏引舊景
難追意罔窮行近土城增悵望荒祠冷落暮

煙籠

詠車

終日効奔波雙輪鐵盡磨長驅非不願其奈
坎軻多

紫光閣瞻功臣像

肅瞻遺像數功臣一日勲名萬古身致治夔
龍襄

黼黻持危袞鄂奮精神風雲際會欽前輩戎
馬馳驅愧後人半壁江山何日復幾回浩歎

對天垠

入直

曉日冲融霽景初
宮槐風動影扶疏
垂鞭緩緩朱門近
棣鄂情深憶故廬

題射雉圖

匹馬荒郊百草秋
凌雲得雉興彌遒
憑君再借馳驅力
莫使狂梟種類留

詠向日葵

不共池蓮雨後殘
金盤高捧露珠寒
人心那

及葵心好萬朵朝陽一樣丹

值宿

斗室依棲夢不成
松陰月逗半窗明
擁鑪煮茗忘殘夜
數到城鐘第五更

贈富都護

明阿出師揚州

赫赫風雷叱咤生
馳驅江北擅威名
青年媿我仍尸位
皓首憐君又遠征
半載論交欽抱負
三軍司命賴忠誠
烽煙四境黔黎苦
多少鴻嗷望捷旌

不負昂藏七尺軀毅然單騎就長途待看陣
上驅戎馬始信人間有丈夫節鉞憑誰開事
業江山從此壯規模創痕遍體雄心在麟閣
他年展畫圖

登壇重寄敢辭難百戰歸來力未殫祇為貪
狼干破斧再將怒馬試雕鞍風吹鼓角江流
急霜染旌旗日色寒攜手華堂增別恨男兒
有淚不輕彈

奉和

蔭芳司農登景山萬春亭原韻

何必重陽菊滿頭

皇都景物極雙眸不因雲霧層層隔直把關
河歷歷收畫幅展開千嶂碧霜林寫出萬家
秋登高豈敢賡珠玉崔顥題詩往事留

芳亭雨後氣青葱俯視京華眼界空塙影孤
懸雲影外經聲緩度磬聲中披襟欲納西山
爽落帽時來

上苑風從此塵囂憑抖擻登臨一覽豁幽衷
題落花蛺蝶便面

黏天草色碧於油
惹著騷人一段愁
門巷落花春去也
多情蛺蝶尚勾留

詠貓

捕物潛形技最嫻
生憎枝上鳥閒關
跳梁鼠輩知多少
莫向花陰竟日間

琉璃河橋邊鐵柱

寒江獨立性錚錚
歷盡洪濤總不驚
雨折風磨終古在
頻年笑煞逐波行

早朝

策騎趨朝漏五更
天街月色正淒清
沈沈萬戶無消息
遠近頻傳擊柝聲

夜雨

一枕瀟湘午夜長
斜風吹雨到茅堂
竹窗點滴聲頻送
紙帳蕭疏夢自涼
供我詩情吟此夕
帶人旅况感他鄉
階前愁聽寒蟲韻
唧唧悲秋到曉忙

題碧梧齋

趨朝鎮日逐塵忙
偶撫疏桐引興長
時有飛

九思堂詩集 卷二 三十七
蟬吟曉月不因棲鳳植朝陽輕芬入座風初
送翠影搖窗夏亦涼如此清幽庭院好何曾
避暑卧匡牀

月下看劍

一鈎涼月冒桐陰兀坐中庭露氣侵吟罷輕
彈三尺劍白雲千里憶知心

寓所夜雨憶菊

擬向石橋看素月何因點滴倏敲窗賞心最
是籬邊菊風雨連宵葉未降

行營夜詠

登程何患出無車一轡驂騶意自如十里旌
旗排

蹕路萬家燈火耀荒墟蕭蕭落木秋容老裊
裊寒烟暝色初暫息征鞍涼月上奇峯疊翠
入檀廬

同紀濟亭步月

攜手村墟外衣寒露氣侵當頭一輪月應是
照同心

其二

中元易水曾看月此日漁陽月又圓對月還
應呼月問山村再至是何年

寄居劉家題壁

門外青溪窗外山竹籬茅舍兩三間勞勞車
馬紅塵裏難得幽居半日閒

薊州塔院贈別濟亭

漁陽古道馬蹄輕借榻山莊慰遠行後會不
知何日是當筵莫負主人情

段家嶺飯店口占二首

昨日牛格莊今日段家嶺依然明月光滿地
行人影

平生惟愛月更盡不知眠對此懷良友清光
共一天

大光明殿夜景

草木蕭條古刹幽石欄憩倚足忘憂未妨道
教逍遙地且作詩人汗漫游丹竈煙飛三鼎
火幡竿月挂半輪秋禪堂瀾茗供吟興細數

天街第幾籌

晚宿燕郊和 蔭芳韻

氊廬毳幕如雲布月掛晴空素彩瑩虬箭遙
傳更漏永行營嚴肅似軍營

曉行燕郊道上和 蔭芳韻

淡月疏星向曉初相將策騎或登車吠人深
巷時聞犬共飯荒郊那得魚野老扶童行迤
邐寒林落葉影蕭疏當頭不覺催詩思一片
輕雲傍斗墟

恭送

梓宮奉移隆福寺詩以誌哀和 蔭芳韻二

首

侵曉

靈輦發千官盡禮儀寒颼飄豹尾旭日燦龍
旗淚向西風灑身曾

北狩隨瞻依

蘆殿近楊柳暮煙垂

初九日余隨駕先至東直門外恭送後扈

從宮至隆福寺梓

鳳城迢遞五雲開

警蹕遙傳

御輦來

龍馭即今無計挽駒光何事又相催中天皓
月虛仍滿東海寒濤去不回

高厚未酬千古恨空餘血淚染塵埃

喜雪成什

升香

禋祀禮初成

昨日饗禮蒙

太廟孟冬派臣恭代 瑞雪

知時愜

聖情

昨日小雪

十二瓊樓凌玉宇三千銀界拓

瑤京願教花散寰區徧直使塵消渤海清幸

列鵷班迎

鳳輦侍臣衣上更分明

本日偕公站班時弘德殿諸

讀塔莊毅公列傳

首蒼莊前血戰時危巖峭壁絕援師千年遺
恨黃泉杳一點孤枕白日知未靖煙塵生有
愧直衝鋒鏑死為期

聖朝

賜祭酬忠節表式人倫

紫詔垂

讀長武壯公瑞長勤勇公壽昆仲列傳

慷慨捐軀計已窮豈因成敗論英雄堪嗟巖

谷崎嶇處竟使將軍事業空移孝奉

君家萬里忘身為

國廟雙忠即今俊傑能承考仲華昆仲均在神機營辦理練

宜兵事好繼邊疆未竟功

近聞總兵哈連升為回匪所執罵賊被
害

方冀威稜鎮逆回羽書忽報將星摧空餘碧
血同仇恨又失丹心禦侮才江北當年軍律
肅隴西從此暮笳哀凜然大節垂青史繼武
睢陽亦壯哉

塔院與崔秀才閑話

豈因片語便傾心古刹清談領妙音爭羨薊
城老居士不將名利換青襟

曉發燕郊

待漏駢征曉月時喜從于役暢遐思郵程併
作兼程計是日由京起程晚宿邦雪壓邊沙
快一馳

踏雪

百里瓊瑤快整鞭迷漫寒氣亂山巔恨無梅
萼增詩興輸與風流孟浩然

山行即景和十一伯祖雪獵元韻

銀鋪石磴迷雲影幕山低問路經荒寺鳴鞭

踏凍泥鴉飛斜照冷猿嘯晚風淒更向高峯
望嵯峨送馬蹄

恭謁

諸陵暨

隆福寺

梓宮前記哀七律一章

再觀

珠邱已十年林泉觸目倍淒然嵐光積雪難
尋路松影翻濤不見天憶昔髫齡隨

少思堂詩集 卷二 二十七
翠輦于今素服謁

瓊筵歸途回首西峯口空使孫臣涕淚漣

桃花寺小憩成什

山寺重登眺望來白雲消盡翠屏開追思扈

從猶前事西顧

離宮增暮哀

漁陽道中感舊

曩昔曾隨

御輦游駒光十載去難留祇今剩有三河水

依舊寒聲日夜流

聞張子青先生署河南撫篆

濟世英才夙擅名馳驅伊洛洽輿情從今好
展回天力再見黃河水一清

詠玻璃盆內金魚

身在玻璃界光搖一片紅池塘歸不得游泳
此盆中

退直遇大風行塵囂裏

凜冽真成破浪風重裘冷逼控青驄塵揚十

丈狂如虎時居三冬氣倍雄迤邐疑行雲霧
裏喧譁都在渺茫中迴思塞外灤陽道一轡
寒颼度碧嵩

賦得禁裏疏鐘官舍晚

得鐘字七律
冬夜值宿

八

弟示
題

彤闈寓直正嚴冬官舍蕭條晚景濃雉堞森
森沈遠樹

鳳樓點點出疏鐘月明寒色臨千戶夜靜清
聲達

九重數到更深猶未寐石闌干畔撫蒼松

余每

值班于夜深時獨步三座門
外聽松聲看月色以慰寂寞

喜晤濟亭

匹馬長途志不羣繫維今夕又逢君挑燈共
話山村景數點青峯一片雲

徐蔭軒太史以覓句夜讀二圖見示索

題勉成拙句二律

小橋流水九秋天畫裏詩情憶輞川瀟灑不
同金谷客風流獨遜玉堂儂霜添紅葉催新

句雨洗青山證夙緣愧我披圖空悵望追隨
那得更逃禪

繞舍寒梅冷豔新書燈夜伴讀書人請看此
日千株雪盡洗當年萬斛塵徒倚窗前香沁
骨橫斜籬外玉為神呼僮酌茗饒清興不覺
前溪透早春

梅花

紛馥窗前幾樹梅冰姿瀟灑淨無埃前番踏
雪難尋得今日迎春乍見開風過暗香侵綺

幌夜來清影下瑤臺遙思淺水疏籬處多少
詩人步月回

其二

聞道前村處士家孤梅的爍散瑤葩橫來冷
淡凌波影放出清癯破臘花何遜吟詩應共
賞廣平作賦更堪誇書齋最合栽階畔數點
幽香透碧紗

紙鳶

憑將一綫颺晴空牽掣都歸掌握中天半翺

翔雖得意問君能不藉東風

賦得歸雲擁樹失山村

得雲字五律
九弟示題

不是山村失端因樹外雲歸來初縹緲擁處
轉氤氳屋角迷蒼靄枝頭淡暮曛犬聲遙岸
吠覓路幾回聞

松柏

蒼蒼松柏雪花團共矢貞心耐歲寒穠李夭
桃春爛漫早從雨後歎凋殘

臘八粥

孟夏纔傳看浴佛季冬臘粥又相催一般石
火光中駐多少黃梁夢未回

賦得數點梅花天地心

得心字七律
八弟示題

一年花事看都了數點寒英又著林品占羣
芳憑地脈陽生半子識天心暗香疏影清如
許月落參橫淡不禁最是讀書多樂處幾回
索笑幾回吟

九思堂詩稿卷二終

